



PREGUNTAS FRECUENTES: Complemento de recoñecemento á excelencia curricular docente e investigadora.

¿Quen pode solicitar o complemento de recoñecemento á excelencia curricular docente e investigadora?

Os profesores funcionarios e contratados doutores pertencentes ao Sistema Universitario de Galicia.

¿Existe un período mínimo de actividade docente e/ou investigadora para poder solicitar este complemento?

SI. O solicitante debe ter recoñecidos dous quinquenios de docencia por parte das universidades públicas e un sexenio de investigación pola Comisión Nacional Evaluadora de la Actividad Investigadora (CNEAI), na data establecida en cada convocatoria.

¿ Que anos se van avaliar en cada convocatoria?

Avaliaranse os méritos acadados durante os **últimos 5 anos** naturais PREVIOS A ESTA SOLICITUDE. Sen embargo, na primeira solicitude poderanse alegar tódolos quinquenios de méritos docentes e sexenios de méritos de investigación acadados ata ese momento de xeito que se consoliden na avaliación básica, para que en sucesivas convocatorias só teñan que alegarse os concedidos posteriormente.

¿Que ocorre se durante o período avaliable gocei dun permiso maternal/paternal?

Neste caso, e sempre que se presente xustificante, poderanse incorporar méritos realizados nun período de idéntica duración ao do referido permiso e inmediatamente anterior ó período avaliado. Exemplo: se gocei de 4 meses, engadirei á miña avaliación os meses de setembro a decembro previos.

¿Como se deben encher as solicitudes?

As solicitudes (instancia e anexo de méritos) **deberán** encherse en formato dixital na aplicación informática da ACSUG (anexos III). Poderá acceder a través da páxina web www.acsug.es (últimas noticias ou convocatorias abertas).

Unha vez cubertos os impresos (anexos III e relación de méritos) xenéranse automaticamente en formato pdf., e **presentaranse** na sede electrónica da Xunta de Galicia <https://sede.xunta.gal>. Para a presentación das solicitudes poderá empregar calquera dos mecanismos de identificación e firma admitidos pola sede electrónica da Xunta de Galicia, incluído o sistema de usuario e clave Chave 365 (<https://sede.xunta.gal/chave365>).

En caso de dúbida, dificultades técnicas ou necesidade de máis información durante o proceso de obtención dos formularios na sede electrónica, poderán dirixir

ao teléfono de información **012** ou ao correo electrónico **012@xunta.gal**.

¿Cal é a documentación que debo aportar e como debo aportala?

Xunto cos impresos de instancia e méritos (anexos III e IV) cubertos na plataforma de ACSUG, e sempre que estes non fosen incorporados nesa aplicación, deberán presentarse na sede electrónica da Xunta de Galicia <https://sede.xunta.gal>:

- Copia do DNI ou documento equivalente, só no caso de denegar expresamente á ACSUG a súa consulta no sistema de verificación de datos de identidade de conformidade co disposto no Decreto 255/2008, de 23 de outubro (DOG de 13 de novembro).

- Documentación acreditativa dos citados méritos curriculares presentados. As certificacións relativas aos quinquenios e aos sexenios, só terán que presentarse en caso de denegar expresamente a la ACSUG a súa consulta.

- Documentación acreditativa, de selo caso, do desfrute de permiso por baixa maternal no período 2012-2016.

- Curriculum vitae completo actualizado en calquera dos formatos existentes (ANEP, Dirección Xeral I+ D, etc.)

- Outros documentos que a persoa solicitante considere relevantes.

A xustificación de cada mérito debe ser a necesaria para permitir avaliar axeitadamente a calidade do mérito achegado e dependerá do tipo de mérito que se achega.

¿Como xunto a documentación de xeito telemático?

A aplicación informática conta cuns espazos habilitados para poder achegar os documentos:

The image shows a user interface for uploading documents. It features a text input field with the label "Xustificante (max. 4M):" and a button labeled "Examinar...". The entire interface is enclosed in a black rectangular border.

Debe saber que cada documento pode ter **como moito unha capacidade de 4 MEGAS**, co cal, si o seu arquivo ten una capacidade superior deberá baixar a súa resolución ou non se achegará correctamente.

No momento de xerar os anexos III e a relación de méritos comprobe que no borrador figuran reflectidos os nomes dos documentos dixitais que se remitiron telematicamente; no caso de que non aparezan, incorpóranse xuntos co anexo III, a través da [sede electrónica da Xunta de Galicia https://sede.xunta.gal](https://sede.xunta.gal).

¿Cantos méritos e de que tipo se poden presentar?

Para realizar a avaliación adicional teranse en conta **un máximo de 6 méritos en cada un dos apartados**: docente e investigador . **Dentro deste último caso ademais, aplicarase un máximo de 4 méritos correspondentes ó apartado da actividade investigadora ou de transferencia e divulgación do coñecemento**. Terá que aportar méritos de ambos apartados con combinacións como 2+4, 3+3 ou 4+2. Na valoración final teranse en conta a calidade e a importancia dos méritos alegados, polo cal, nin a presentación de menos de 6 méritos supón unha avaliación negativa nin, a sensu contrario, a presentación máxima de 6 méritos en cada apartado implica a obtención da máxima puntuación.

Debe destacarse que cada mérito alegado estará constituído por unha soa achega (un curso, unha tese, un proxecto, ...), **excepto no caso da amplitude da docencia, enquisas e estadías.**

Dos méritos que presento, ¿cómo podo coñecer os indicios de calidade que se van a ter en conta na avaliación e o seu modo de xustificación?

Poñemos á súa disposición unha **“Guía do solicitante”** con unha orientación sobre as características dos méritos que se valoran e o seu modo de xustificación. Atoparana na nosa Web

¿Cántos tramos poden obterse?

O número máximo de tramos será de **14**, dos cales, **9** serán resultado da valoración básica e **5** da adicional.

No caso de concesión de avaliación positiva e asignación do complemento pola correspondente universidade, ¿debo volver solicitar o complemento en anos sucesivos?

Mentres que os tramos acadados na valoración básica son consolidables, os correspondentes á valoración adicional caducan ós cinco anos, polo que transcorrido dito período, período, deberá presentarse *unha nova solicitude de avaliación, que substituirá, a todos os efectos, á anterior*

¿Teño que esperar obrigatoriamente cinco anos para poder presentarme a unha nova convocatoria destes complementos retributivos?

NON. Existe tamén a posibilidade de presentar unha nova solicitude de reavaliación, transcorridos un mínimo de 3 anos dende a obtención da anterior. Nese caso, será requisito indispensable a concesión en dito período de novos méritos alegables como puntuación básica (é dicir, ter obtido un novo quinquenio de docencia ou un novo sexenio de investigación).

¿Qué efectos ten o sometemento a unha reavaliación transcorridos tres ou catro anos dende a primeira convocatoria á que me presenteí?

a) En primeiro lugar, isto suporá someter todo o seu expediente a unha nova avaliación (básica e adicional).

b) Como consecuencia do anterior, deberá presentar os méritos que considere apropiados para ser avaliados (méritos docentes e méritos de investigación) pertencentes ao período de cinco anos que se recolle na convocatoria.

c) De non presentar ningún mérito relativo á valoración adicional pero sí á puntuación básica a ACSUG considerará, a tódolos efectos, que vostede esta solicitando unha reavaliación do seu expediente. Neste caso, sumará a puntuación correspondente na parte consolidable pero, a súa puntuación adicional será de **cero puntos**, perdendo polo tanto a puntuación adicional que lle fora outorgada na anterior convocatoria.